



MIÐVIKUDAGUR 23. OKTÓBER  
21. TÖLUBLAÐ 1. ÁRGANGUR  
DAGSKRÁRBLAÐ STÖÐVAR 2



**FJÖR Í BEINNI**  
Gummi Ben gefur allt í knattspyrnulýsingarnar.



**BARCELONA-REAL MADRID**  
Einn stærsti fótboldaleikur ársins fer fram um helgina.



**KOLLA OG MEÐVIRKNI**  
Meðvirkni á ekkert skylt við góðmennsku.

# DREGUR TIL TÍÐINDA

STÖÐ 2 SÝNIR ÞRIÐJU ÞÁTTARÖÐ VERÐLAUNAÞÁTTANNA HOMELAND

FRÁBÆR TILBOÐ  
Í STÖÐ 2 VILD

krakkar





## ÓMISSANDI Í VIKUNNI



**HEIMSÓKN**  
Miðvikudag kl. 20.05



**THE BLACKLIST**  
Fimmtudag kl. 21.10




**HELLO LADIES**  
Föstudag kl. 20.35



**SPAUGSTOFAN**  
Laugardag kl. 19.30



**ÁSTRÍÐUR**  
Sunnudag kl. 20.45



**THE AMERICANS**  
Mánudag kl. 21.55



**HOW I MET YOUR MOTHER**  
Þriðjudag kl. 20.50

# NÆST BESTA STARF Í HEIMI

Það er iðulega líf og fjör í beinum sjónvarpsútsendingum Guðmundar Benediktssonar, íþróttafréttamanns á Stöð 2 Sporti. Hann segir starfið vera það næstskemmtilegasta í heiminum, á eftir því að spila fótbolta.

Íþróttafréttamaðurinn Guðmundur Benediktsson hefur vakið mikla athygli fyrir skemmtilegar og líflugar lýsingar sínar frá fótboldaleikjum. Guðmundur fór gjörsamlega á kostum í tveimur síðustu landsleikjum Íslendinga gegn Kýpur og Noregi. „Þegar svona mikið er í húfi man ég varla eftir leikinn hvað ég sagði í öllum æsingnum, maður gleymir alveg stund og stað. Það eru auðvitað mikil forréttindi að stunda svona starf. Þetta er næst skemmtilegasta starf í heimi, á eftir því að spila sjálfur.“

Guðmundur hóf störf sem íþróttafréttamaður sumarið 2007 og hefur upplifað marga spennandi leiki. „Eftirminnilegustu leikirnir eru þeir þar sem allt er undir, eins og í síðustu tveimur leikjum landsliðsins. Einnig mætti nefna úrslitaleikinn í Meistaradeildinni síðasta vor þegar þýsku liðin Dortmund og Bayern mættust á Wembley. Lokaumferð ensku úrvalsdeildarinnar vorið 2012 var líka ógleymanleg en þá tryggðu leikmenn Manchester City sér titilinn á lokasekúndunum.“

Stemningin á leikjum erlendis er oft frábær, ekki síst á Englandi þaðan sem Guðmundur hefur lýst nokkrum leikjum undanfarin ár. „Áhorfendur skynja það vel heima í stofu þegar maður er staddur á vellinum sjálfum. Tilfinningin er einhvern veginn önnur enda sé ég meira af vellinum en áhorfendur af skjánum. Síðan er stemningin allt önnur erlendis enda oft tugir þúsunda áhorfenda á leikjum. En það er líka sterkari knattspyrnuhefð í mörgum löndum, þá sérstaklega Englandi, þar sem laugardagurinn er heilagur dagur fyrir marga. Allir vita hvað þeir gera þann daginn, þeir fara á völinn og styðja liðið sitt, sama hvernig viðrar eða hvar liðið er stadd í deildinni.“

Sérstakur aðdáendaklúbbur var stofnaður um Guðmund á Facebook árið 2009. Rúmlega 5.200 manns fylgja síðunni en sjálfur fylgist hann ekki með henni þar sem hann er ekki skráður notandi á Facebook. „Mér var bent á þessa síðu í vinnunni og gef þessum aðila bara prik fyrir gott starf.“

Margir spennandi leikir verða sýndir í beinni útsendingu á næstu vikum á Stöð 2 Sporti. Þar má meðal annars nefna Chelsea–Manchester City 27. október, Arsenal–Liverpool 2. nóvember og stórleik í spænsku deildinni milli stórveldanna tveggja, Barcelona og Real Madrid, sem fer fram 26. október.



„Eftirminnilegustu leikirnir eru þeir þar sem allt er undir,“ segir Guðmundur Benediktsson, íþróttafréttamaður hjá Stöð 2 Sporti. MYND/DANIEL

## STELA NÝJU STJÖRNURNAR SENUNNI Í EL CLASICO?

**SPORT EL CLASICO**  
Kl. 15.50 laugardag

Einn stærsti fótboldaleikur ársins fer fram um helgina þegar Barcelona og Real Madrid mætast í spænsku úrvalsdeildinni. Tveir af bestu leikmönnum heims, Neymar og Gareth Bale, taka nú þátt í El Clasico í fyrsta sinn. Leikurinn verður sýndur beint á Stöð 2 Sporti og hefst útsending klukkan 15.50.

Það er mikil spenna fyrir leikinn á Camp Nou á laugardaginn. Börsungar tróna á toppi deildarinnar með 25 stig eftir níu leiki en Real Madrid er í þriðja sæti með 22 stig. Það er ávallt heitt í kolunum þegar þessir fornu fjendur mætast og má búast við miklu fjöri. Bæði lið munu stilla upp sínum sterkustu leikmönnum og sem fyrr verður mikil athygli á stórstjörnunum Lionel Messi hjá Barcelona og Cristiano Ronaldo hjá Real Madrid. Þeir verða þó ekki einir um sviðsljósið því bæði félag bættu við sig frábærum leikmönnum í sumar. Brasilíumaðurinn Neymar gekk til liðs við Barcelona frá Santos fyrir 57 milljónir evra en Real Madrid svaraði með því að kaupa Gareth Bale frá Tottenham fyrir 100 milljónir evra sem er hæsta upphæð sem greidd hefur verið fyrir knattspyrnumann. Núna mætast þeir í fyrsta sinn í El Clasico og fótboldaáhugamenn um víða veröld munu fylgjast grannt með.





# SVEITASÖNGKONA MEÐ STÍL

**NASHVILLE**  
Kl. 20.30 mánudag

Leikkonan Hayden Leslie Panettiere, sem fer með hlutverk Juliette Barnes í hinum vinsælu sjónvarpsþáttunum Nashville, tilkynnti trúlofun sína og hnefaleikakappans, Wladimirs Klitschko, fyrir nokkrum dögum. Athygli vekur að Hayden er 24 ára en boxarinn, sem er frá Úkraínu, 37 ára. Hayden var stolt þegar hún sýndi fallegan trúlofunarhring í þættinum Good Morning America.

Hayden kom fyrst fram í sjónvarpi ellefu mánaða gömul í auglýsingum fyrir Playskool-leikföng en átta mánaða var hún fyrirsæta fyrir barnafatnað. Á fimmta ári fékk hún fyrsta hlutverk sitt en það var í sápuóperunni One Life to Live. Hún var með í þættinum í þrjú ár. Móðir hennar, Lesley Panettiere, lék einnig í sápuóperum. Síðan tók við hlutverk Lizzie Spaulding í þáttunum Guiding Light en í því hlutverki var hún fram til ársins 2000. Þá starfaði hún við talsetningu á Disney-kvikmyndum.

## Í þekktum þáttum

Hayden fékk loks stórt tækifæri þegar hún landaði hlutverki á móti Denzel Washington í Remember the Titans. Þá lék hún dóttur Tims Allen í gamanmyndinni Joe Somebody og dóttur Ally McBeal í samnefndum þáttum. Einnig lék hún í Malcolm in the Middle og fleiri sjónvarpsþáttum. Þekktust varð hún fyrir leik sinn í sjónvarpsþáttunum Heroes.

Vegna þess hversu mikið Hayden hafði að gera í leiklistinni sem barn varð æska hennar óvenjuleg. Hún reyndi að lífa venjulegu lífi,

stundaði nám í almenningsskóla í New York en skólagangan reyndist erfið vegna frægðar hennar. Eftir að hún lauk áttunda bekk fór hún til S-Afríku til að leika í kvikmyndinni Racing Stripes. Eftir að tókum lauk ákvað hún að sleppa skólanum en ljúka grunnskólanum með leiðbeinanda á ferðalagi um S-Afríku. „Það var lærdómsríkur tími,“ var haft eftir henni. Sextán ára var hún mynduð á næturklúbbi með Paris Hilton og lenti þá á lista yfir barnastjörnur sem eiga erfitt með að fóta sig í samkvæmislífinu.

## Hvalfriðunarsinni

Hayden hefur leikið í mörgum sjónvarpsþáttum og bíómyndum þótt ung sé. Í fyrra tók hún við hlutverkinu í hinum dramatísku þáttum Nashville. Þættirnir fjalla um sveitatónlist og leikur hún þar hæfileikaríka kántrí-söngkona.

Hayden hefur verið virk í baráttu gegn drápi á hvöllum og öðrum sjávardýrum. Hún hefur meðal annars rætt við Barack Obama um verndun sjávardýra. Sveitasöngkona með stíl.



Í Friðheimum í Bláskógabyggð.

## ÁSTARSAGA Á PINGEYRI

**SÆLKERA FERÐIN**  
Kl. 20.05 fimmtudaga

Vala Matt heldur áfram Sælkeraferð sinni um landið en að þessu sinni fer hún í Bláskógabyggð á Suðurlandi og vestur á Pingeyri.


„Í næsta þætti förum við á ævintýralegan veitingastað í miðju gróðurhúsi í Friðheimum í Bláskógabyggð þar sem innréttingarnar eru tómplöntur á alla vegu og þar fengum við dýrindis kjúklingarétt og grunnurinn er ótrúlega góð sósa gerð úr ferskum tómötum,“ segir Vala og bætir við: „Og svo förum við á Pingeyri í

skemmtilegt kaffihús, Simbahöllina, sem ungt erlent par keypti fyrir 2.500 krónur. Húsið gerðu þau síðan upp, en þau urðu ástfangin á Íslandi, ílentust hér og hafa búið á Pingeyri undanfarnin ár. Hér fáum við dýrindis vöflur og lærum að gera rabarbarasultu sem er alveg einstök. Ástarsaga og ástríða í matargerð. Mjög skemmtilegt.“ Vala hefur fundið ýmsar faldar matarperlur víða um land en áhorfendur geta síðan prófað réttina sjálfir. Uppskriftirnar birtast á visir.is undir sjónvarp.

## GAMAN AÐ LEIKA VONDA GAURINN

**HOSTAGES**  
Kl. 21.15 mánudaga

Dylan McDermott hefur leikið ýmsa góða gæja í gegnum tíðina, í Steel Magnolias, In the Line of Fire og Miracle on 34th Street. Vondir karlar hafa líka lifnað til lífsins í gegnum hann, til dæmis í Wonderland. Í þáttunum Hostages bregður hann sér í hlutverk vonda mannsins sem FBI-fulltrúinn Duncan Carlisle. „Mér finnst skemmtilegt að fara á milli, leika til skiptis góða og vonda menn. Ég hef þó hitt jafnoka minn í persónu Carlisle því hann fetar mjóa línu milli hins illa og góða. Það er ástæða fyrir því sem hann er að gera. Þó hann geri hræðilega hluti, þá eru þeir ætlaðir til góðs,“ segir McDermott sem heillast af persónu Carlisle. „Það er mjög erfitt að leika hann, því ég þarf að lífa mig inn í erfiðar aðstæður og oft endar það á því að ég er Carlisle stærrí hluta dags en ég er Dylan.“ McDermott segir erfitt að losna undan Carlisle eftir að heim er komið. „Ég er aðeins vænissjúkari en venjulega og mun tortryggjari. Líklega er heimurinn aðeins verri en hann var áður,“ segir hann.





**5**  
ára  
ÁBYRGÐ

UPPLEVA snjallsjónvörp og hljóðkerfi eru með 5 ára ábyrgð.


**109.900,-**

UPPLEVA 40" snjallsjónvarp

**246.200,-**

HEMNES sjónvarpsbekkur m/40" UPPLEVA snjallsjónvarpi og 2.1 UPPLEVA hljóðkerfi

# Sígilt og snjallt!



UPPLEVA er einstök vara sem sameinar sjónvarp, hljóðkerfi og húsgagn. Útkoman er heildarlausn sem gerir stofuna stílhreinni með földum snúrum, þráðlausu bassaboxi og öllu er stjórnað með einni fjarstýringu. Upplifðu UPPLEVA í versluninni og kynntu þér tæknina á [www.IKEA.is](http://www.IKEA.is)





## MYND HELGARINNAR



### THE CAMPAIGN KI. 20.40 laugardag

Bráðfyrirmyndin gamanmynd frá 2012 með Will Ferrell og Zach Galifianakis. Þingmaðurinn Cam Brady stefnir á sigur fimmtu kosninganna í röð, enda hefur hann aldrei haft mótframbjóðanda. Nú stefnir hins vegar í óvænta kosningabaráttu þegar hinn barnalegi Marty Huggins býður sig fram á móti honum.

### KILLER JOE KI. 22.00 laugardag

Spennumynd frá 2011 með Matthew McConaughey og Emile Hirsch í aðalhlutverkum. Ungur maður sem skuldar hættulegum mönnum peninga óttast um líf sitt. Hann ákveður að eina leiðin út úr vandræðunum sé að ráða leigumorðingja til að myrða illkvittna móður sína og fá peninga út úr líftryggingunni.



### MOONRISE KINGDOM kl. 21.05 föstudag

Skemmtileg og óvenjuleg mynd sem hlotið hefur frábæra dóma. Meðal aðalleikara eru Bruce Willis og Edward Norton.



### TRUST KI. 22.40 föstudag

Spennumynd með Clive Owen og Catherine Keener. Rólegt líf úthverfajölskyldu breytist í martröð eftir að tæningstúlkan á heimilinu kynnist manni á netinu.



## 10 BÍÓ Á BÍÓ STÖÐINNI


### BÍÓ TOPPMYNDIR KI. 22.00 alla daga




Arn  
ÞRIÐJUDAGUR



The Change-up  
MIÐVIKUDAG



The Messenger  
MÁNUDAG



World's  
Greatest Dad  
LAUGARDAG



Contraband  
FIMMTUDAG



Fast Five  
FÖSTUDAG



Sherlock Holmes:  
A Game of Shadows  
SUNNUDAG

### MANDY PATINKIN

leikur Saul Berenson sem í þriðju þáttaröðinni hefur tekið við sem forstjóri CIA. Hann er lærifaðir Carrie og yfirmaður. Mikill vinskapur hefur ríkt þeirra á milli en nú virðist annað uppi á teningnum. Patinkin er bandarískur leikari og tenórsöngvari. Hann er hvað þekktastur fyrir túlkun sína á Inigo Montoya í myndinni The Princess Bride frá 1987. Meðal annarra mynda hans má nefna Alien Nation (1988), Yentl (1983) og Dick Tracy (1990). Hann hefur einnig komið fram í ýmsum sjónvarpsþáttum á borð við Chicago Hope, Dead Like Me og Criminal Minds. Patinkin hefur oft verið tilnefndur til verðlauna og hefur hlotið bæði Tony- og Emmy-verðlaun. Hann er þekktur fyrir vinnu sína í söngleikjum bæði í sjónvarpi og á sviði.



### CLAIRE DANES

Claire Danes leikur hina skarpskyggnu en örgeðja Carrie Mathison og hlaut nýverið Emmy-verðlaun annað árið í röð fyrir frammistöðuna. Danes hefur áður hlotið verðlaun fyrir leik sinn sem hin einhverfa Temple Grandin í samnefndri mynd. Danes er 34 ára og gift leikaranum Hugh Dancy. Hún byrjaði feril sinn sem unglingsur í þáttunum My So-Called Life. Hún hefur síðan vakið athygli í kvikmyndum fyrir hlutverk á borð við Júlíu í Romeo + Juliet í leikstjórn Baz Luhrmann, Cosette í Les Misérables og sem Yvaine í Stardust.

# Í LIFANDI MARTRÖÐ

Þriðja þáttaröð mögnuðu spennuþáttanna Homeland er sýnd á Stöð 2 á sunnudögum. Þar fylgjumst við með Carrie Mathieson berjast gegn hryðjuverkasamtökum, eigin geðsjúkdómi og tilfinningum sem hún ber til Nicholas Brody, grunaðs hryðjuverkamanns.





#### RUPERT FRIEND

leikur leyniþjónustumanninn Peter Quinn. Friend er breskur leikari sem er þekktastur fyrir hlutverk sitt sem Mr. Wickham í kvikmyndinni *Pride and Prejudice* frá árinu 2005. Hann hefur einnig leikið liðsforingjann Kurt Kotler í *The Boy in the Striped Pyjamas* og Prince Albert í myndinni *The Young Victoria*. Friend átti í ástarsambandi við Keiru Knightley í fimm ár.

#### DAMIAN LEWIS

leikur stríðsfangann Nicholas Brody, hermann sem snýst á sveif með óvinum Bandaríkjanna eftir átta ára fangavist en fær síðar bakþanka. Lewis er 42 ára breskur leikari og framleiðandi og hefur hlotið bæði Emmy- og Golden Globe-verðlaun fyrir frammistöðu sína sem Brody. Af öðrum hlutverkum sem Lewis hefur leikið má nefna *The Forsyte Saga*, *Life and Band of Brothers*. Lewis var aðeins sextán ára þegar hann ákvað að gerast leikari. Hann stundaði nám við Guildhall School of Music and Drama en í kjölfarið starfaði hann fyrir Royal Shakespeare Company. Hann hefur þurft að venja sig af breska hreimnum og taka upp bandarískan fyrir hlutverk Brodys. Hann leyfir börnum sínum ekki að horfa á *Homeland* og þá má þess geta að hann er einlægur Liverpool-aðdáandi.

#### **HOMELAND** Kl. 21.10 sunnudaga

Þrjú þættir hafa þegar verið sýndir af þriðju þáttaröðinni. Í síðasta þætti kom Brody loksins aftur til sögunnar en ekkert hafði til hans frést í tveimur fyrstu þáttunum. Þar situr hann fastur í niðurníddu háhýsi í Venesúela, sem kallast Tower of David, innan um fátæklinga og glæpamenn sem meina honum útgöngu. Á meðan er Carrie föst á geðsjúkrahúsi þar sem henni virðast allir vegir lokaðir. Hún er ævareid út í vin sinn Saul Berenson sem sveik hana og neyddi hana á sjúkrahúsið. Saul þarf aftur á móti að taka erfiðar ákvarðanir sem forstjóri CIA. Öll virðast þau föst í eigin martröð.

Þriðja þáttaröð *Homeland* hefur fengið gagnrýni fyrir hægan söguþráð en áhorfendur þurfa ekki að örvænta því brátt flækist söguþráðurinn og ýmsar samsæriskenningar koma í ljós.

*Homeland* hefur unnið til fjölda verðlauna. Hlaut til dæmis Emmy-verðlaunin sem besti dramapátturinn árið 2012 og Golden Globe-verðlaunin bæði 2011 og 2012 sem besti dramatíski sjónvarpsþátturinn. Þá hafa aðal-leikararnir tveir einnig verið verðlaunaðir fyrir frammistöðu sína.



## ÓTTAST EKKI HANDALÖGMÁL

#### **LOGI Í BEINNI** Kl. 20.20 föstudag

Högni Egilsson, söngvari *Hjaltalín*, mætir ásamt hljómsveit sinni í þáttinn *Logi í beinni* á föstudaginn. Auk Högna mæta einnig Vigdís Hauksdóttir þingmaður í sófanum og uppistandari og þjóðfélagsrýnirinn Bergur Ebbi.

Vigdís Hauksdóttir er líklega einn af umdeildari þingmönnum landsins og því má búast við hressilegum umræðum þegar uppistandari, sem þekktur er

fyrir óvægna þjóðfélagsrýni, mætir einnig í sófanum. Logi óttast þó ekki að upp úr sjóði í sófanum.

„Ég hef reyndar trú á því að þau verði ekki alveg sammála og í beinni útsendingu getur allt gerst. En ég hef svo sem engar sérstakar áhyggjur af handalögmálum,“ segir Logi hvergi banginn.

Þátturinn hefst klukkan 20.20 á föstudagskvöld.

## MEÐVIRK KOLLA

#### **KOLLA** Kl. 20.25 í kvöld

„Meðvirkni getur verið brjálæðislega fyndin, hafi maður humor fyrir sjálfum sér, en einnig afskaplega súr,“ segir sjónvarpskonan Kolla, sem í kvöld mun fjalla vítt og breitt um meðvirkni og meðvirka hegðun í spjallþætti sínum á Stöð 2.

Fyrsti þáttur Kollu fór í loftið fyrir sléttri viku og voru viðtökur spenntra áhorfenda góðar.

„Það er ljóst að málefni stjúpforeldra voru mörgum hugleikin og umræðan um meðvirkni er ekki síður brýn. Ég reikna með að áhorfendur eigi örugglega eftir að uppgötva í raun og sann hvað meðvirkni er.“

Að sögn Kollu hafa flestir tilhneigingu til meðvirkrar hegðunar.

„Þó gætir víða þess misskilnings að meðvirkni sé bundin við aðstandendur áfengis- og vímuefnaneytenda, að meðvirkni sé það sama og góðmennska, og að meðvirkni einstaklingar séu svokallaðar „dramottur.“ Við getum nefnilega sýnt meðvirkni í flestum aðstæðum lífsins.“

Til Kollu koma í kvöld Olga Björt Þórðardóttir og Daniel Geir Moritz sem bæði eru meðvirk og gefa áhorfendum innsýn í meðvirka hegðun.

„Hjá mér sest líka Anna Sigríður Pálsdóttir dómkirkjuprestur sem er sjálf meðvirk og hefur liðsinn „meðvirku-um“, eins og þeir kallast, frá árinu 1985. -





## WORLD CLASS

World Class  
ICELAND

30% afsláttur af þriggja mánaða baðstofu- og heilsuræktarkorti eða af stökum tíma í baðstofu.



30%  
AFSLÁTTUR

## VEGAMÓT

VEGAMÓT  
RESTAURANT | BAR

35% afsláttur af matseðli frá kl. 11-16 alla mánudaga, þriðjudaga og miðvikudaga.



35%  
AFSLÁTTUR



er snilld

Byrjaðu strax að spara. Skráðu kortin ykkar núna á [www.stod2.is/vild](http://www.stod2.is/vild)

# NÚ ENN MEIRA FYRIR ÁSKRIFENDUR

### STÖÐ 2 VILD

Það eina sem þarf að gera er að skrá kreditkort heimilisins á [stod2.is](http://stod2.is)

## LIFANDI MARKAÐUR

LIFANDI  
MARKAÐUR

20% afsláttur af öllum vörum við fyrstu kaup.  
10% afsláttur eftir það. Tilboð gildir aðeins í Fákafeni 11.




20%  
AFSLÁTTUR

## MÝS OG MENN



Borgarleikhúsið

Ríflega 25% afsláttur af miðum á fyrstu 10 sýningarnar.



25%  
AFSLÁTTUR

Þú færð sjálfkrafa afslátt hjá fjölda samstarfsaðila.

101

10%

afsláttur ef verslað er fyrir 2.000 kr. eða meira

SUSHI

12%

afsláttur ef verslað er fyrir 2.000 kr. eða meira

olis

Kynntu þér tilboðin á [stod2.is/vild](http://stod2.is/vild)

Sækja þarf um Olís greiðslukeyil til að fá afslátt

BJÖRG

20%

afsláttur af fatahreinsun

Splash

40%

afsláttur af bílþvotti að utan

Skemmtigeraducinn

50%

afsláttur af fjölskyldukortum Stöðvar 2

KYNNTU ÞÉR  
FLEIRI SPENNANDI  
TILBOÐ Á STOD2.IS